

墨憨齋訂定萬事足傳奇

皇朝書目總纂卷之四

墨憨齋訂定

萬事足傳奇

古本戲曲叢刊二集

古本戲曲叢刊編刊委
員會影印長樂鄭氏藏
明墨憨齋刊本原書版
高廿公分寬十四公分

敘

蓋聞關雎之德。徵於小星。螽斯
之慶。肇於樛木。婦人無儀。不妬
爲儀。然形妬者十之八。心妬者
十之二。不妬者千百而一二耳。

妬○雖○天○性○強○半○釀○成○於○男○子○如○

椒○丘○縮○臂○於○一○呼○琅○琊○汗○顏○於○

九○錫○尉○遲○馳○髡○首○之○訴○二○洪○協○

鼓○盆○之○歡○王○侯○將○相○勢○非○不○隆○

學○士○名○賢○識○非○不○廣○然○莫○能○誦○

周詩以規貞。膳倉庚而療癰。含
垢忍欲銜恨。終身甚者。敝笱羞
姬。迴波誚李。禍水斬漢。玉環召
胡。殺身亡國。亂宗絕饗。覆轍相
尋。莫知省悔。所以然者。非漸於


愛○卽○敝○於○弱○愛○則○養○嬌○弱○則○過○
讓○而○結○之○以○一○字○曰○懼○懼○者○妬○
之○招○也○古○之○治○妬○者○多○謬○托○巫○
師○神○鬼○之○教○以○敝○惕○淫○悍○然○或○
有○信○有○不○信○乃○若○朋○友○治○妬○未○

之前聞陳循事載楮記室以一
擊之義勇延高公之祀於中翰
事極痛快而邳氏知過能改亦
有足多至梅夫人委曲進妾成
夫之美則更出於尋常賢孝之

外○可○與○關○雎○樛○木○嗣○音○覽○斯○劇○
者○能○令○丈○夫○愛○者○明○弱○者○有○立○
志○勝○捧○誦○佛○說○怕○婆○經○多○多○矣○
其○閨○人○或○覽○而○喜○或○覽○而○怒○喜○
則○我○梅○怒○則○我○邳○孰○賢○孰○不○孰○

吉○孰○凶○到○衰○老○沒○收○成○時○三○更○
夢○醒○自○有○悔○著○此○自○爲○身○家○百○
年○計○勿○恃○陳○狀○元○棒○喝○不○到○爲○
幸○也○

姑蘇詞奴龍子猶述



墨憨齋訂定萬事足傳奇

目上

家門大意

醉筆遣神

評文受教

買妾求嗣

主僕登程

誅妖救女

巧計進妾

旅中佳夢

女庵分別

鹿鳴公宴

見子生嗔

夜禱明心

姑姪治蒙

訪友托妻

仙菴分婉

京都談勝

觀卷避嫌

及第傳臚

墨憨齋訂定萬事足傳奇上

姑蘇龍子猶新編

同邑袁幔亭樂句

第一
折 家門大意

末上

滿江紅江右陳循富才調剛腸激烈爲恩情三旬無嗣
不甘畜妾賢婦周旋成好事生兒不信真骨血賴焚香
私誓感夫君重懽洽同牕友皆英傑鄉會試齊聯捷
爲同年悍妻無子一番饒舌七載衫襟詩有約一朝菊

宴花重接兩通家和睦繼簪纓成家業

巧撮合閨門賢德
莽治妒朋友高情

三及第同牕富貴
萬事足奕世簪纓

第二折
醉筆遣神
（生便服上）

東鍾

南呂
獅子序廬陵古郡天柱金華並聳有無限奇蹤清

水飛巖注穴空渾似我才情泛濫看筆勢噴薄何窮人

傑端因地秀運來方顯文工（鷓鴣天）少小岐嶷質異常
簡編一目十餘行六經諸

史皆淹貫五夜三冬勉就老○通命運奏文章鵬程萬
里好名場聖朝方重儒臣選鼎鼐鹽梅待酌量小生陳

循字德遵。別號方洲。江西泰和人也。家承詩禮。性稟通明。齒歷三旬。愧有聞之太早。庠游數載。號國士之無雙。所悲者。椿萱早背。於高堂有懷風木。所喜者。琴瑟頗調。於中饋堪主蘋蘩。只是尚乏繼嗣之人。每憂不孝之大。這也不在話下。年來聽周約文先生大教。果然文行兼成。日常與高崇本諸君同聽。真個切磋有益。今日乃會文之期。小生先已完課。回到家中。荆妻梅氏酌酒相勞。不覺酩酊。對此春氣溫和。月明如水。不免重到城隍廟。會文之處。尋崇文諸兄。閑話片時。以開醉眼。有何不可。行介。

南呂

懶畫眉珠璣萬斛聚毫鋒落紙烟霞五色濃凌雲豪

氣薄離蟲更覓芝蘭伴

想此際呵

花竹書牕月影重

信步行吟已到

城隍廟了不免循左廊而去

墨客齋定本

萬事足上

二